



## Torah écrite (pentateuque) - Deutéronome

### Chapter 14

- 14,1 בנים אתם, ליהוה אלהיכם: לא תתגדדו, ולא-תשימו קרחה בין עיניכם--למת.
- 14,2 כי עם קדוש אתה, ליהוה אלהיך; ובן בחר יהוה, להיות לו לעם סגלה, מכל העמים, אשר על-פני האדמה. {ס}
- 14,3 לא תאכל, כל-תועבה.
- 14,4 זאת הבהמה, אשר תאכלו: שור, שה כשבים ושה עזים.
- 14,5 איל וצבי, ויחמור; ואקו ודישן, ותאו וזמר.
- 14,6 וכל-בהמה מפרסת פרסה, ושסעת שסע שתי פרסות, מעלת גרה, בבהמה--אתה, תאכלו.
- 14,7 אך את-זה לא תאכלו, ממעלי הגרה, וממפריסי הפרסה, השסועה: את-הגמל ואת-הארנבת ואת-השפן כי-מעלה גרה המה, ופרסה לא הפריסו--טמאים הם, לכם.
- 14,8 ואת-החזיר כי-מפריס פרסה הוא, ולא גרה--טמא הוא, לכם; מבשרם לא תאכלו, ובגבלתם לא תגעו. {ס}
- 14,9 את-זה, תאכלו, מכל, אשר במים: כל אשר-לו סנפיר וקשקשת, תאכלו.
- 14,10 וכל אשר אין-לו סנפיר וקשקשת, לא תאכלו--טמא הוא, לכם. {ס}
- 14,11 כל-צפור טהרה, תאכלו.
- 14,12 וזה, אשר לא-תאכלו מהם: הנשר והפרס, והעזניה.
- 14,13 והרצה, ואת-הציה, והביה, למינה.
- 14,14 ואת כל-ערב, למינו.
- 14,15 ואת בת היענה, ואת-התחמס ואת-השחרף; ואת-הנץ, למינהו.
- 14,16 את-הכוס ואת-היגשוף, והתבשמת.
- 14,17 והקצת ואת-הכרסמה, ואת-השלך.
- 14,18 והסידה, והאגפה למינה; והדוכיפת, והעטלף.
- 14,19 וכל שרץ העוף, טמא הוא לכם: לא, יאכלו.
- 14,20 כל-עוף טהור, תאכלו.
- 14,21 לא תאכלו כל-גבלה לגר אשר-בשעריך תתננה ואכלה, או מכר לזכרי--כי עם קדוש אתה, ליהוה אלהיך; לא-תבשל גדי, בגלב אמו. {פ}
- 14,22 עשר תעשר, את כל-תבואת זרעך, היצא השדה, שנה שנה.
- 14,23 ואכלת לפני יהוה אלהיך, במקום אשר-יבחר לשכן שמו שם, מעשר דגן תירשן ויצהרן, ובכרת בקרבן וצאנך: למען תלמד, ליראה את-יהוה אלהיך--כל-הימים.
- 14,24 וכי-ירבה ממך הדרך, כי לא תוכל שאתו--כי-ירחק ממך המקום, אשר יבחר יהוה אלהיך לשום שמו שם: כי יברכך, יהוה אלהיך.
- 14,25 ובתמה, בכסף; וצרת הכסף, בידך, והלכת אל-המקום, אשר יבחר יהוה אלהיך בו.
- 14,26 ובתמה הכסף בכל אשר-תאזוה בפשך בבקר ובצאן, וביין ובשכר, ובכל אשר תשאלב, בפשך; ואכלת שם, לפני יהוה אלהיך, ושמת, אתה ובייתך.
- 14,27 והלוי אשר-בשעריך, לא תעזבו: כי אין לו חלק ונחלה, עמך. {ס}
- 14,28 מקצה שלש שנים, תוציא את-כל-מעשר תבואתך, בשנה, ההוא; והנחת, בשעריך.
- 14,29 ובא הלוי כי אין-לו חלק ונחלה עמך, והגר וביתום והאלמנה אשר בשעריך, ואכלו, ושבעו--למען יברכך יהוה אלהיך, בכל-מעשה ידך אשר תעשה. {ס}